

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), a u cilju transparentnog provođenja programa financiranja projekata udruženja raseljenih lica, povratnika i izbjeglica usmjerenih na unaprjeđenje položaja i statusa ovih kategorija društva, Federalno ministarstvo raseljenih osoba i povratnika, objavljuje

JAVNI POZIV
za financiranje projekata udruženja raseljenih lica, povratnika i izbjeglica usmjerenih na unaprjeđenje položaja i statusa ovih kategorija društva

I

Predmet javnog poziva je prikupljanje prijave za sufinansiranje projekata udruženja raseljenih lica, povratnika i izbjeglica usmjerenih na unaprjeđenje položaja i statusa ovih kategorija društva.

II

Pravo sudjelovanja na Javnom pozivu ostvaruju udruženja, koja u svom članstvu imaju raseljene osobe, povratnike i izbjeglice, odnosno udruženja čije su programske aktivnosti usmjerene na unaprjeđenje kvaliteta života ovih kategorija našeg društva.

III

Prijedlog raspodjele i isplate namjenskih sredstava iz tačke I ovog poziva vršit će se u skladu sa općim i posebnim kriterijima iz sredstava utvrđenim Budžetom Federacije Bosne i Hercegovine za 2017. godinu iz „Transfera za raseljena lica i povratnike“.

IV

Opći kriteriji za odobrenje sredstava za sufinansiranje projektnih prijedloga Udruženja građana treba da sadrži sljedeće dokumente:

1. Čitko popunjen, potpisan i ovjeren aplikacioni formular;
2. Kopija akta o registraciji;
3. Kopija Statuta;
4. Kopija uvjerenja o identifikacionom broju;
5. Kopija ugovora sa bankom o otvaranju transakcionog/tekućeg računa;
6. Izvještaj o utrošku sredstava za one koji su dobili finansijska sredstva od ovog ministarstva u 2016. godini, ako ranije nije dostavljen;
7. Obrazložen projektni prijedlog.

Posebni kriteriji su:

1. Brojnost članova - spisak članova udruženja građana, ovjeren od strane odgovorne osobe udruženja;
2. Širina i veličina prostora u kojem udruženje građana djeluje (na području MZ-e, više MZ-a, općina, kanton, entitet) a dokazuje se izjavom od strane odgovorne osobe udruženja ili drugi adekvatan dokaz;
3. Rezultati i uspjesi u realizaciji dosadašnjih projekata i njihov značaj za članstvo i daljnji rad Udruženja – dokaz Izvještaj o radu;
4. Kvalitet, kompletnost i originalnost projekta u smislu poboljšanja kvaliteta života povratničke populacije – dokaz: originalni projekat ili kopija;
5. Financijski plan rada za 2017. godinu iz kojeg se vidi visina sredstava potrebnih za sufinansiranje programa rada;
6. Očekivani efekti projekta/programa – dokazuje se Izjavom o očekivanim rezultatima.

V

Izbor projekata i korisnika pomoći po osnovu ovog Javnog poziva će vršiti Komisija koju je imenovao federalni ministar raseljenih osoba i izbjeglica.

Komisija će razmatrati prijave u skladu sa „Procedurama za financiranje projekata udruženja raseljenih lica, povratnika i izbjeglica usmjerenih na unaprjeđenje položaja i statusa ovih kategorija društva“ koje će donijeti federalni ministar raseljenih osoba i izbjeglica, te u skladu sa odredbama ovog Javnog poziva. Komisija neće razmatrati prijave udruženja građana koja nisu dostavila Izvještaj o utrošku namjenskih sredstava iz ranijih godina do objavljivanja ovog Poziva.

VI

Dostavljanje prijave, vrši se preporučeno poštom ili lično, u zapečaćenoj kovrti na adresu: Federalno ministarstvo raseljenih osoba i izbjeglica, Alipašina broj: 41, 71000 Sarajevo sa naznakom „Prijava na Javni poziv za financiranje projekata udruženja raseljenih lica, povratnika i izbjeglica usmjerenih na unaprjeđenje položaja i statusa ovih kategorija društva“ (Na poledini koverte navesti naziv/ime i prezime podnosioca, tačnu adresu i kontakt telefon).

Javni poziv ostaje otvoren **21 dan** od dana njegovog objavljivanja.

Dotadne informacije mogu se dobiti na tel: 033/444-563.

VII

Aplikacioni formulari će biti objavljeni na WEB stranici Ministarstva (www.fmroi.gov.ba), a moći će se preuzeti i lično u prostorijama Ministarstva na adresi Terezije 56, Sarajevo.

Nepotpuni i neblagovremeni zahtjevi neće se uzimati u razmatranje.

Federalno ministarstvo nema obavezu vraćati predatu dokumentaciju aplikantima.

MINISTAR

dr.sci. Edin Ramić

Broj: 05-36-3-940-1/17
Sarajevo, 01.06.2017.godine